

2012-mi gassimik silaannarmik kissattoortitsisussamik aniatitsineq

Nunatta 2012-mi gassimik silaannarmik kissattoortitsisussamik aniatitsinera 611.702 tonsiuvoq CO₂-mut assingusoq. Tamanna 1990-mi aniatitsinermi 6,1 pct.-mik annikinneruvoq 2011-miillu 19,4 pct.-mik annikinnerulluni. Silaannarmik kissattoortitsisussamik aniatitsinerup 94 pct.-iata missaa nukimmik atuinnermit pingorpoq


Tamanna *"2012-mi silaannarsuarmi mingutstitsineq"* Kalaallit Nunaanni Naatsorsueqqissaartarfiup saqqummiuteqqammisaani takuneqarsinnaavoq. Saqqummersitaq Naatsorsueqqissaartarfiup nittartagaa www.stat.gl iserfigalugu atuarneqarsinnaavoq pdf-fiilitullu aaneqarsinnaalluni.

2012-mi aniatitsineq
minnerusoq

Nunatta 2012-mi gassimik silaannarmik kissattoortitsisussamik aniatitsinera tamakkiisumik 611.702 tonsiuvoq. Ukiuni marlunni uuliasiorneq pissutaalluni aniatitsinermik annertusiartortitsisoqareersoq, 2012-mi nukissiornikkut ataatsimut aniatitsineq ukiuni qulini annikinnerpaaffiuvoq. Aniatitsineq anner-tuneq nukissiornikkut aniatitsinermut atatinneqarsinnaavoq. 2012-mi gassimik silaannarmik kissattoortitsisussamik aniatitsinerup 93,6 pct.-ia ikummatissanit nunap iluaneersunit, tassa gasuuliamit, petruuliumit, benziinamillu pisuuvoq, tamanna titartakkami 1-mi takuneqarsinnaavoq.

Titartagaq 1.

1990-miit 2012-mut gassimik silaannarmik kissattoortitsisussamik aniatitsineq



Najoqqutaq. Kalaallit Nunaanni Naatsorsueqqissartarfik Kisitsisaataasivia, <http://bank.stat.gl/ENN1EM1>

Nukissiornikkut
aniatitsineq annikillisoq

2012-mi nukissiornikkut gassimik silaannarmik kissattoortitsisussamik aniatitsineq CO₂ 572.370 tonsiuvoq. 2011-mut sanilliullugu annikillieriaat 20,3

pct.-uvoq. Aniatitsinerup annertuumik annikilleriarnera uuliasiorunnaar-
nermik peqquteqarpoq.

Allatigut aniatitsineq 2012-mi nukissiornikkut pinngitsumik allatigut gassimik silaannarmik kissat-
toortitsisussamik aniatitsineq CO₂ 39.332 tonsiuvoq. Tamanna aniatitsinerup
tamarmiusup 6,4 pct.-ivaa. Allatigut aniatitsinerit nukimmik atuiffiunngitsut
tassaapput suliffissuaqarnermi atortussiat kemiskimik akulerunnerisigut
pinngortoq, eqqakkanik aqutsinikkut pinngortoq, nunalerinikkut pinngortoq,
arrorsaatinut sanaartukkanillu pinngortoq aamma kemikaaliatigut taamatullu
nunatamik atuinikkut pinngortoq. Eqqartukkatigut aniatitsineq ukiumiit
ukiumut allanngorartuunngilaq annikitsuaraarnarmilli annertusiartortarpoq.

Sukumiisumik paasissutissat annertunerusut bank.stat.gl iserfigalugu kisitsi-
saataasivimmi nassaarineqarsinnaapput.

Paasissutissanik annertunerusunik kissaateqartoqaruni Naatsorsueqqissaar-
tarfiup pisortaa Anders Blaabjerg oqarasuaat 34 57 81 (toqqaannartoq) ator-
lugu saaffigineqarsinnaavoq.

Inussiarnersumik inuulluaqqusillunga

Anders Blaabjerg,
Naatsorsueqqissaartarfiup pisortaa

Signatur forklaring:

... Oplysninger foreligger ikke
.. Oplysninger for usikre til at angives eller diskretionshensyn
. Tal kan efter sagens natur ikke forekomme
0 Mindre end halvdelen af den anvendte enhed
- Nul
* Foreløbigt eller anslået tal

Eventuel henvendelse

Anders Blaabjerg

E-mail: ABLA@stat.gl

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

